

Michlbauern Rud

Rudenkirtag Sierning Faschingdienstag 25.2.2020



<p>Heiliger Sebastian Bitt für uns mir san Alan Heiliger Norbert Hofa Bitt für uns sei koa Koffa Heiliger Kogler Werna Bitt für uns mir wern ärma HC Strache du geile Sack Geh mit Gott - Zack zack zack</p>	<p>Da Kickl und da Hofa Und nu etla so Ganova Wolln Woifohrtn geh Nach Braunau o mei gaunz andächtig im braunen Gwaund und a Liederbüachi in da Haund komplett in d´Hosn geht de Gschicht wie se singan ein Rattengedicht</p>
<p>Trocken trocken mir san schockiert Wer hot des Klima importiert a de Kircha hot koa Rezept wer hot uns des eingeschleppt am Sunda Prädigt kam zan vadaun uns wird gaunz schworz vor de Augn Seit de Pforran aufakumman Hauma nur mehr hoasse Summan</p>	<p>da Lehna Hansi und da Dauna Sepp da Hofmayr Igi der wor fett Ziagnse fia 50 Euro o graus Fia etla Damen fost nokat aus Wia sich da Hauns so präsentiert Hot oa Dame glei reklamiert En 50zga zruck, waunima des so ansieh Des is jo wirkli nur a Hansi</p>
<p>Magan und Harry des is neich vazichtn auf Adel, Ruhm und Reich wia sa se lebt ohne Mittel ohne Göd und ohne Titel a ban Obstieg worns vazogt haum bei de Fuaßbolla nochgfrogt in da Lehna Arena sans fündig worn wei Sierng hot a olle Titln valorn</p>	<p>da Pfisti Lois der oide Schinta is ba de Bam nu fest dahinta mit 80 Jahr nu fest vorau do kimmt sei Poi richti drau es gibt koa rostn koa vaschnaufa do wirda granti und oiweu lauda hüft des nix wirda zan Giftzweg und schaut drei wia Greta Thunberg</p>
<p>Mazda Nigl is gschlossn und passé En Pension geht d´Familie Bist za ea kemma haumsde belehrt Und vom Mazda vorgeschwärmt A üban Hjunday dans berichten Und nur das Beste zuwidichtn Oba jetzt in Rente wirma hern fohrns a Auto mit an Stern</p>	<p>de Patientenliste vom Hausorzt Eichinger bringan mir heit en Vakehr da Koichi und da Raika Direktor da Platza Georg und da Herr Inspektor da Obmau Hundsberga schaut a vorbei da Forsthof Wirt und nu etla drei mir neman se koa Blattl vorm Mund da Doktor is gstoipat üba an Hund</p>
<p>Da Mandorfer Poid is Opa worn und mit da Oma feiern gfornt Wers net wors in Oscha dreht Nimmta sein Ahnlbuam in d´Händt Es wor spot in da Fria Do zahnsn zan Auto auf olle vier D´Maria gibt Gas, er wü nu bleibm Oiweu waun sie fohrt is eam zan speim</p>	<p>D´Ministerin Köstinger hod analysiert Plastiksackerln khern reduziert wo kummt jetzt hi vom Hund des Gackerl wohl in ein Papiersackerl zusätzlich eig´wickelt in eine Lektüre kimmts ins Tascherl zu da Maniküre Kanzlarin Bierlein hotse damits´Gsicht eig- schmiert, Do siachtma wia der Gatsch auriat</p>

<p> unsa Laundesrot Max Higsberger Stö uns dei Frau vor, sie is uns liaba Sie is fleisig und gaunz koam schauket en Betrieb aloa dahom sie steht mit 2 Fiaß mittn im Lem und bildhübsch is außerdem Liebe Gattin mir sogns gaunz koam Geh låß aufs Johr en Max dahoam </p>	<p> Heit rennt doch olles vakehrt wirst fias Schuischwanzn vaeht Mit 16 Jåhr aum Segelboot Wast frira gwen in höchster Not s'Zopfalmegi schaut zwida drei mir demonstrian heit zwengan Wei sogns eich en guadn zoits hifia sunst sama aufs Jåhr NICHT HIER </p>
<p> da Herr Laundeshauptfrau Stellvertreter Pernkopf hoast der Übeltäter Kummt jeds Johr und zoid sehr viel Mir haumtn gfroggt wos is des Ziel Auf d'Nocht wor d'Fortbewegung a gfrett und Muttersprache plötzlich weg jeds Johr im Forsthof a bißi dicht d'Mickl-Leitna sche' saufn gelingt dir nicht </p>	<p> bei da Woivaständigung gibts a Maleur da Koichi bemüht sich seither sehr fia de letztn Sozis gaunz Schmäh ohne hota gschoffn a Begegnungszone sie wird erweitert in d'Hochgossn zan Friedhof geht de neiche Strossn a waunda dort neamt untakimmt des is Wurscht de Richtung stimmt </p>
<p> Da Coronavirus is do Söbst Venedig sogns o Nur auf Sierng de Norrn Lossns Olle her fohrn Koa Sicherheit fia Hois und Lung Föht aun jeder Vorkehrung Gott sei Dank haum mir Nu nix Husten.... Gruzefix </p>	